

1700HRS

۱۔ وزیراعظم نریندر مودی نے کہی وبے جے سٹارٹ اپ انڈیا سکیم نوجوانن نانہہ با اختیار بنان تے اُن غا درخشاں مستقبل گی عکاسی کرے۔

۲۔ ضلع راجوری گا ندھال علاقہ مانہہ ایک مشکوک بیماری گے پیش نظر ۵۱ افراد گی موت واقع ہوگی بے جس مانہہ ۱۱ بچہ شامل ہیں تے اس بارے پولیس نے ۱۱ رُکنی کا ص تحقیقاتی ٹیم تشکیل دتی ہے۔

۳۔ ریلوے تحفظ بارے کمشنر نے کٹڑا تے ریاسی بشکار ۷۱ کلو میٹر گا ٹریک نانہہ کھولن غی منظوری دے دتی ہے۔

۴۔ دلی تے کٹڑا بشکار چلن آلی وندے بھارت ایکسپرس نانہہ ۰۵ تہاڑاں واسطے منسوخ کردتو ہے۔

۵۔ جموں کشمیر مانہہ آن آلا تہاڑا مانہہ موسم عام طور ور ساف رین گی پیشن گوئی کی گئی بے تے ضلع دوڈھ ریاسی تے پونچھ گا بالائی علاقہ مانہہ اج ہلکی برف باری ہونی ہے۔

بھارت آج سٹارٹ اپ انڈیا گو ۹ ووں سال منارہیو ہے اس موقع ور وزیر اعظم نریندر مودی نے کہیو جے بھارتیہ سرکار نے ملک مانہ سٹارٹ اپ گی اسم مہیم گی حوصلہ افزائی خاطر کوئے کسر نی چھوڑی ایک سماجی میڈیا پوسٹ مانہ جناب مودی نے کہیو جے گزریا ۹ براں مانہ تبدیلی تے ترقی بارے ایسا پروگراماں نے بے شمار نوجواناں ناتہ با اختیار بنایو ہے تے ان گی قابل سوچ نانہ کامیاب سٹارٹ اپ مانہ تبدیل کیو ہے اُن گو مزید کہنو تھو جے حکومت جدید نظام تے ان بارے کنیں مرکز انانہ فعال طور ور فروغ دے دتی ہے تاکہ ملک گا نوجوان ترقی بارے قدم بدھا سکیں وزیر اعظم نریندر مودی نے کہیو جے سٹارٹ اپ انڈیا پروگرام اس گل نانہ یقینی بناوے جے آج ملک مستحرک پُر اعتماد تے مستقبل خاطر تیار ہے اس موقع ور بولتاں واں وزیراعظم نریندر مودی نے اس طرح کہیو۔

ضلع راجوری گابڈھال علاقہ مانہہ ایک مشکوک بیماری کے پیش نظر ہون ۵۱ اموات بارے پتو لان خاطر حکومت چھان بین کر رہی ہے۔ مہاراجا آکاشوانی کا نمائندہ نے خبر ٹوری ہے جے پولیس نے اس بارہ مانہہ چھان بین خاطر ۱۱ رکنان ور مشتمل ایک خاص تحقیقاتی ٹیم تشکیل دی ہے واضع رہ جے اس مشکوک بیماری غے پیش نظر گزشتہ اک مہیناں مانہہ ۳ کُنباں توں ۱۵ افراد غی موت واقع ہو گئی ہے جس مانہہ ۱۱ بچہ شامل ہیں یاد رہ جے پولیس گی اس تشکیل شدہ تحقیقاتی ٹیم گی قیادت بدھل پولیس مانہہ اوپریشن بارے پولیس گا سپرائنڈینٹ کر رہیا ہیں۔ ایس آئی ٹی گی اس ٹیم گی تشکیل گو اعلان ایس ایس پی راجوری گورو سیکروار گا پاک حکم کے تحت کیو کیو دسیو جارہیو ہے جے مکمل تحقیقات نانہہ یقینی بنان خاطر بکھ بکھ شعبان توں ماہرین نانہہ شامل کیو گی وے جس مانہہ فرازنک تے زہریلی ادویات گا ماہر مانکر بیالوجی بیٹھالوجی تے بچاں گی بیماری گا ماہرین وی شامل ہیں۔ پارہ جے اس سلسلہ مانہہ صحت تے طبی تعلیم بارے وزیر سکینہ اتو گو کہنو

ہے جے راجوری گا بڈھال علاقہ مانہہ ہون آلی اموات بارے احل وجہ تلاشی جاری ہے تے
 انہاں نے عوام نانہہ اپیل کی ہے جے وے پُر سکون رے گے ضلع انتظامیہ گی اس چہان
 بین بارے مدد کریں اس موقع ور چیف سیکرٹری اٹل ڈلو نے دسیو ہے جے اس معاملہ بارے
 پتو لان خاطر پولیس نے ایک خاص تحقیقاتی ٹیم تشکیل دتی ہے اس بارے بولتاں واں چیف
 سیکرٹری اٹل ڈلو نے اس طرح کہیو۔

ISRO SPADEX

اسرو غا سپاڈکس مشن غے تحت اج سپیس کرافٹ ڈاکنگ غو کامیاب تجربو انجام دتو گیو
 اس کامیابی ور صدر جمہوریہ محترمہ دروبدی مرمو وزیر اعظم نریندر مودی نے اسرو گا
 سائنسداناں غی پوری ٹیم نانہہ مبارک باد دتی۔ سماجی میڈیا ور اپنا پیغام مانہہ وزیراعظم نے
 کہیو کہ یوہ ملک غا بلند حوصلہ تے آن آلا براں مانہہ سپیس مشن واسطے ایک اہم قدم ہے
 اسے دوران وزیر مملکت برائے سائنس تے ٹیکنالوجی ڈاکٹر جتندر سنگھ نے اس کامیابی
 نانہہ لاجواب قرار دتو ڈاکٹر سنگھ نے کہیو کہ یوہ پوری طرح بھارتی ڈاکنگ سیسٹم ہے
 جہیڑو مکمل طور ور ملک غا ماہر لوکاں غے ذریعے تیار کیو گیو ہے انہاں نے مزید کہیو
 کہ یوہ ملک غا مستقبل غا اہم مشن جسراں کہ بھارتی انٹرکش سٹیشن چندریان ۴ تے گگن
 یان واسطے راہ ہموار کرے۔

SNOWFALL VAISHNO DEVI

شری ماتا ویشنو دیوی غا مقدس عبادت گاہ ور اج تازہ برف باری ہوئی جس تیں یوہ علاقو
 خوبسورت نظارہ مانہہ تبدیل ہو گیو برف تیں ٹھکا ہوا رستہ تے سفید منظر نے اس مقدس
 جگہ نانہہ ہور دلکش بنا دتو ہے جہیرا عقیدت منداں تے سیاحاں نانہہ اپنی طرف متوجہ
 کر رہیو ہے شرائین بورڈ نے پاترہ کرن آلاں واسطے ضروری انتظام کیا ہیں یاترہ اچھی طرح
 تیں چل رہی ہے تے اہلکار موسم غا حالات ور نظر رکھیا وی ہیں یاترہ گا رستہ تیں برف
 ہٹان تے آسانی نال چلن واسطے تمام ضروری انتظام کیا جارہیا ہیں یاترہ کرن آلاں نانہہ
 مشورو دتو گیو ہے کہ گرم کپرا کہلیں تے حکام غی طرفوں جاری کیا ہدایات ور عمل کریں
 موسم تے سفر واسطے نوی معلومات حاصل کرن خاطر شرائین بورڈ غا ہیلپ لائن نمبر ور
 رابطو کرسکیں۔

ANNOUNCEMENT

علاقائی خبراں آلو شعوبو آکاشوانی جموں نے کٹھوعہ ضلع واسطے پارٹ ٹائیم نمائندہ غی
 درخواست طلب کیں ہیں فہرست مانہہ شامل ہون واسطے کٹھوعہ ضلع مانہہ رہن آلا ۴۲ سال
 تیں ۰۵ سال غی عمر غا امیدوار درخواست طلب کرسکیں پی ٹی سی واسطے کم از کم
 ضروری قابلیت پی جی ڈپلمو یا صحافت مانہہ ڈگری تے یا پھر کسی تسلیم شدہ یونیورسٹی
 تیں ۲ سال غو صحافت ۶ تجربہ غے نال گراجیوایشن اس تیں علاوہ کمپیوٹر تے ورڈ
 پروسیسنگ غو علم خبر جمع کرن تے الیکٹرونک میڈیا کورریج غو تجربو ضروری
 ہے۔ امیدوار نانہہ ڈسٹکٹ ہیڈ کواٹر تے میونسپل گی حدور تیں ۰۱ کلو میٹر گا دائیرہ مانہہ
 ہونو چاہیے تمام ضروری دستاویزات غے نال درخواست غی پارٹ کاپی ۵۱ فروری ۵۲۰۲
 توڑی ہیڈ ریجنل نیوز بولیٹ آکاشوانی جموں غے دفتر مانہہ پُجائیں جس غو پین کوڈ ہے
 ور ہوم پیج غا www.newsonair.gov.in ۱۰۰۰۸۱ درکواست اشتہار ماری ویب سائٹ
 اخیر مانہہ آسامیاں آلہ اکن ور دستیاب ہے۔

KATRA REASI RAIL TRACK

ریلوے سیفٹی غا کمشنر دنیش چند دیشوال نے کترہ تیں ریاسی غے درمیان ۷۱ کلومیٹر لمی ریل ٹریک آمدرفت واسطے کھولن غی منظوری دے دتی ہے یوہ نوو ٹریک ادھمپور سرینگر بارہمولہ ریلوے لینک پروجیکٹ غو حسو ہے آکاشوانی جموں گا نامہ نگار نے اطلاع دتی ہے کہ کشمیر نانہہ کنیا کماری تیں جوڑن غو خواب جلد ہی حقیقت مانہہ تبدیل ہو رہیو ہے اس سیکشن غا کھلن غے نال ہی ادھمپور سرینگر تے بارہ مولہ ریلوے لینک پروجیکٹ مکمل ہو گیو ہے۔ یوہ نوو ریلوے ٹریک شمالی ریلوے غا فروزپُر ڈویزن غو اہم حسو ہے۔

VANDE BHARAT CANCELLED

بھارتی ریلوے نے نوی دلی تے شری ماتا ویشنو دیوی کٹڑا غے بشکار چلن آلی وندے بھارت ایکسپرس نانہہ ۰۵ دنن واسطے معطل کرن غو علان کیو ہے معطل ٹرین گو نمبر ۹۳۴۲۲.۰۴۴۲۲ جہیڑی نوی دلی تیں کٹڑا تک چلے جہیڑی شری ماتا ویشنو دیوی گفا مندر غو بیس کیمپ ہے جہیڑی ٹرین شمالی ریلوے زون غے تحت چلیں تھیں اُن نانہہ عارضی طور ور مرمت واسطے روک دتو گیو ہے فلحال دلی تے کٹڑا گے درمیان دو وندے بھارت ایکسپرس ٹرین چل رہی ہیں۔ پہلی غو نمبر ۹۳۴۲۲.۰۴۴۲۲ جہیڑی بند کی گئی ہے تے دوجی غو نمبر ہے ۷۷۴۲۲.۸۷۴۲۲ جہیڑی اپنا وقت غے مطابق چل رہی ہے۔

PM MAN KI BAAT

وزیر اعظم نریندر مودی ۹۱ جنوری نانہہ اکشوانی ور من غی بات پروگرام مانہہ ملک تے بیرون ملک رین آلا بھارتیاں سنگ اپنا خیالات سانجی کریں گا واضع رہ جے یاہ مہینہ وار ریڈیو پروگرام کی ۸۱ ویں قسط وے کی یاد رہ جے اس پروگرام مانہہ عوام اپنا خیالات تے تجویز ٹال فری نمبر ۰۰۸۷۱۱۰۰۸۱ ور بھیج سکیں تے نریندر مودی ایپ یا مائی گوو اپن فورم غے زریعے وی عوام اپنا خیالات نانہہ سانجھا کرسکیں قابل ذکر ہے جے آن ولا مہینہ وار پروگرام واسطے تجویز اس مہینہ کی ۷۱ تاریخ تک قبول کی جیں گی۔

KISHTWAR INSPECTION

بچہ تے نو عمری مزدوری ایکٹ ۶۸۹۱ غے تحت بچاں نانہہ کماں ور لان بارے ایک اہم قدم چایو گیو کشتواڑ مانہہ ضلع خصوصی عملہ نے مختلف بزاراں تے علاقہ مانہہ مشترکہ معاینو کیو یے پہل ڈپٹی کمشنر کشتواڑ راجیش کما شون تے ضلع نوڈل آفیسر تے اسٹینٹ لیبرر کمشنر ممنا سودرشن غی ہدایت تے نگرانی مانہہ کی گئی معاینہ غے دوران ٹیم نے بازاراں مانہہ دکان تے کاروباری جگہ غو دورو کیو معاینہ مانہہ بچہ تے نو عمری مزدوری ایکٹ ۶۸۹۱ غی کائے خلاف ورزی سامنے نی آئی۔

WEATHER HIGHWAY

جموں کشمیر مانہہ آن آلا دنن مانہہ موسم بنیادی طور ور صاف تے خشک رین غی توقع ہے تاہم جموں گا کُجھ علاقن ریاسی ضلع غی ترکوٹہ پہاڑی ڈوڈھ ضلع مانہہ بدرواہ تے پونچھ ضلع مانہہ پیر غی گلی سمیت کئی الگ تھلگ اُچا علاقہ مانہہ اج ہلکی برف باری ہوئی محکمہ موسمیات نے ۹۱ جنوری توڑی کائے خرابی غی پیشن گوئی نہیں کی ہے تے جموں سرینگر قومی شاہراہ آمدرفت واسطے کھلی وی ہے مسافراں نانہہ مشورو دتو گیو ہے کہ

اپنی لین مانہ رہیں تے دن غے وقت ہی قومی شاہراہ ور سفر کریں تے مُغل سڑک برف
باری ہون غی وجہ تیں اجیں توڑی بند ہے۔